



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 01-  
Datum:

**PRIJEDLOG**

Na osnovu člana 7. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj \_\_\_\_\_ sjednici, održanoj \_\_\_\_\_ 2016. godine, donosi

**ODLUKU  
o izmjenama i dopunama Odluke o utvrđivanju standarda  
i kriterija za imenovanja na upražnjene pozicije  
u reguliranim tijelima Općine Tešanj**

**Član 1.**

U Odluci o utvrđivanju standarda i kriterija za imenovanja na upražnjene pozicije u reguliranim tijelima Općine Tešanj ("Službeni glasnik općine Tešanj", broj: 8/03, 1/04 i 10/06) u članu 8. dodaju se stavovi 4., 5. i 6. koji glase:

“Ovlašćuje se Općinski načelnik da u ime Općinskog vijeća Tešanj kao odgovornog javnog službenika, provede proceduru oglašavanja upražnjenih pozicija u reguliranim tijelima i imenovanje komisije za izbor.

Komisija za izbor je dužna putem pisane preporuke predložiti rang listu najboljih kandidata, Općinskom načelniku koji će u skladu s odredbama Zakona o ministarskim, vladinim i drugim imenovanjima FBiH, pripremiti odluku Općinskom vijeću Tešanj za imenovanje ili potvrđivanje liste najboljih kandidata.

Ovlašćuje se Općinski načelnik da u ime Općinskog vijeća Tešanj kandiduje punomoćnike koji će imati pravo učešća u radu i odlučivanju na skupštinama javnih preduzeća, kao predstavnike vlasnika kapitala.”

**Član 2.**

U članu 10. stav 4. alineja 1. se briše.

**Član 3.**

Ova odluka stupa na snagu narednog dana od dana objave u "Službenom glasniku Općine Tešanj".

**PREDSJEDAVAJUĆI VIJEĆA**

Subašić Senad, dipl.ecc.

## **O b r a z l o ž e n j e**

### **PRAVNI OSNOV**

Pravni osnov za donošenje Odluke o izmjenama i dopunama Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Tešanj sadržan je u Zakonu o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13) i Odluci o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj ("Službeni glasnik Općine Tešanj", broj: 8/03, 1/04 i 10/06).

### **Obrazloženje**

Izmjenama i dopunama Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13) procedura oglašavanja i imenovanja komisije za provođenje postupka imenovanja na upražnjene pozicije u reguliranim tijelima Općine Tešanj, prenesena je na Općinsko vijeće Tešanj kao odgovornog javnog službenika.

Obzirom da je Zakonom regulisano da imenovana komisija nakon što provede proceduru utvrđivanja rang liste uspješnih kandidata istu dostavlja Općinskom vijeću, koje zavisno od nadležnosti donosi odluku o konačnom imenovanju ili istu samo potvrđuje, smatramo da će zbog učestalosti ovih postupaka biti mnogo efikasnije ukoliko se Općinskom načelniku daju ovlaštenja da riješi pitanja proceduralne prirode. Suštinski se ovim ne narušava nadležnost kod imenovanja ili potvrđivanja liste (javna preduzeća) uspješnih kandidata od strane Općinskog vijeća ali se svakako skraćuje procedura i ista ubrzava.

Ista situacija je i sa kandidovanjem punomoćnika koji će imati pravo učešća i odlučivanja u radu skupština javnih preduzeća, kao predstavnika vlasnika kapitala. Naime javna preduzeća u skladu sa zakonskom regulativom i statutima preduzeća o određenim pitanjima raspravljaju i odlučuju samo na skupštini preduzeća. One se moraju sazivati najmanje jednom godišnje, a sazivaju se prema ukazanoj potrebi. U tim slučajevima se obavještava većinski vlasnik kapitala Općina Tešanj o potrebi kandidovanja punomoćnika koji će u ime većinskog vlasnika učestvovati u radu skupštine preduzeća.

**O B R A Đ I V A Č**  
**Služba za finansije, privredu, komunalne i**  
**inspekcijske poslove**  
Hamzalija Hojkurić, dipl.oec.

**P R E D L A G A Č**  
**OPĆINSKI NAČELNIK**  
Mr.sci.Suad Huskić

Broj: 02-02-1-2596/16  
Dana: 20.12.2016. god.